



Оқытушылар мен білім алушылардың ондаған жылдар бойы қалыптастырған дәстүрлерін, университеттің жинақталған әлеуетін сақтай және арттыра отырып, университет ұжымы еліміздің инновациялық дамуы мен бәсекеге қабілеттілігіне айтарлықтай теориялық және практикалық үлес қоса алатынына терең сенім білдіре аламын.

Оқытудың жоғары деңгейі мен озық білім беру ақпараттық технологияларын енгізудің арқасында университет түлектері сапалы, заманауи білім алады. Университеттің өзіне тән ерекшелігі – көпсалалылығы, мамандарды даярлаудағы ұтқырлығы, білім беру және зерттеу процестерінің тығыз өзара іс-қимылы, терең мамандануы.

Біздің компания кеңейіп өсе келе, М.Әуезов атындағы ОҚУ-мен ынтымақтастықты дамытуға көп жеңіл бөлуде. Компания, университетпен бірге тығыз қарым-қатынас нәтижесінде елдің жарқын болашағы болып табылатын білікті кадрларды даярлауға, Қазақстанның машинажасау саласын дамытуға жан-тәнімен және қызығушылықпен қарайтын талантты жастарға инвестиция жасауға дайын екендігін айта кетсек болады.

2016 жылы біздің компания үшін маңызды оқиға Түркістан облысының кәсіпкерлер палатасы мен М.Әуезов атындағы Оңтүстік Қазақстан университеті арасындағы ынтымақтастық нәтижесінде, Қазақстанда 2014 жылдан бастап іске қосылған «Дуальді оқытудың Жол картасы» бағдарламасы бойынша оқытудың заманауи дуалды жүйесін жүзеге асыру болды. Осылайша, 2016 жылдың қыркүйегінен бастап дуальді жүйе бойынша компанияда ОҚУ «Механика және машинажасау» кафедрасының 3-ші курсының 26 студенті оқуын бастады.

Студенттер өндірістік цехтар мен бөлімдерге, үш ай сайын компанияның басқа да құрылымдық бөлімшелеріне, тереңірек практикалық білім алу үшін ауысу мүмкіндіктеріне жағдай жасалынды. Сонымен қатар, студенттер компания есебінен түскі аспен және ай сайынғы стипендиямен қамтамасыз етілді.

Дуальді оқыту бағдарламасының мақсаты кәсіпорындар мен оқу орындарының тығыз өзара іс-қимылы негізінде білікті мамандарды даярлау болып табылады. Компания үшін бұл өзінің барлық талаптарына барынша сәйкестігін қамтамасыз ете отырып, өз бейініне арнайы мамандар даярлау мүмкіндігі. Бағдарлама барысында компанияға оқу бітірген соң ең жақсы

мамандарды таңдау мүмкіндігі пайда болды. Бұл оқу әдісі студенттерді өздері үшін оқуға ынталандырады. Жастар үшін бұл кәсіби тәуелсіздікке ерте қол жеткізудің және ересек өмірге ауыртпалықсыз бейімделудің тамаша мүмкіндігі. Оқу барысында олар кәсіпорындағы жұмысы үшін ақшалай сыйақы алады, ал оны бітіргеннен кейін өздері жақсы меңгерген жұмысқа орналасады. Дуальді оқу жүйесі нақты еңбек міндеттерін орындауды ғана үйреніп қоймай, алдағы уақытта ұжымда жұмыс істеу қабілетін дамытады, әлеуметтік құзыреттілік пен жауапкершілікті қалыптастырады.

Ынтымақтастық туралы келісімге қол қойылғаннан бері біздің серіктестігіміз ұзақ және жемісті жолдан өтті. Осы ынтымақтастық арқылы Әуезова университеті студенттерін мақтанышпен айта алатын, теориялық білім беріп қана қоймай, кәсіпорындағы практикалық жұмыс тәжірибесін ұсынатын алатын жетекші білім беру орталықтарының біріне айналды. Бұл білім алушыларға өндіріс процестерін жақсы түсінуге, кәсіби дағдыларды дамытуға және біздің саладағы болашақ мансапқа дайындалуға мүмкіндік беріп келеді.

Сондай-ақ, университетпен серіктестік аясында біздің компания жаңа технологиялар мен материалдарды әзірлеуге бағытталған түрлі зерттеу жобаларына белсенді қатысатынын атап өткіміз келеді. Бұл бізге өз саламыздың алдыңғы қатарында қалуға және заманауи талаптарға сәйкес келетін инновациялық өнімдерді жасауға мүмкіндік береді.

80 жылдық мерейтойға байланысты, біз М. Әуезов университетіне ұзақ және жемісті ынтымақтастығымыз үшін алғысымызды білдіргіміз келеді. Біздің серіктестігіміз жалғасады және дамиды деп үміттенеміз, бұл өз кезегінде студенттерді оқытуда жаңа мүмкіндіктер ашып, ғылым мен техника саласында бірлесіп жұмыс істеуімізге серпін береді деп ойлаймыз.

М.Әуезов атындағы Оңтүстік Қазақстан университетіне одан әрі шығармашылық табыстар, жаңа жетістіктер мен өркендеуді тілейміз! Біздің серіктестігіміз өз жемісін беріп, білім мен өнеркәсіптің дамуына ықпал ете берсін!

Құрметпен,
«KARLSKRONA LC AB» ЖШС
Бас директоры Алпысбаев Т.С.

ОҚУ - 80 ЖЫЛ!

«KARLSKRONA LC AB»
ЖШС компаниясы және өз
атымнан М.Әуезов атындағы
Оңтүстік Қазақстан университетінің
білім алушыларын, оқытушыларын,
қызметкерлері мен түлектерін уни-
верситетіміздің 80 жылдық ме-
рейтойымен шын жүректен
ҚҰТТЫҚТАЙМЫН.

